

Sommaire

1. Ouverture de la séance publique

M. Claude Wiseler, Président

2. 8342 – Projet de loi portant modification :

1^o du Code de commerce ;

2^o de la loi modifiée du 19 décembre 2002 concernant le registre de commerce et des sociétés ainsi que la comptabilité et les comptes annuels des entreprises,

en vue de la transposition de la directive (UE) 2019/1151 du Parlement européen et du Conseil du 20 juin 2019 modifiant la directive (UE) 2017/1132 en ce qui concerne l'utilisation d'outils et de processus numériques en droit des sociétés

Rapport de la Commission de la Justice : Mme Stéphanie Weydert

Vote sur l'ensemble du projet de loi 8342 et dispense du second vote constitutionnel

3. 8456 – Projet de loi portant modification de l'article L. 231-4 du Code du travail

Rapport de la Commission du Travail : M. Charles Weiler

Discussion générale : M. Charles Weiler | Mme Corinne Cahen | M. Georges Engel (interventions de Mme Corinne Cahen) | M. Michel Lemaire | Mme Djuna Bernard (dépôt de l'amendement 1) | M. Sven Clement (interventions de M. André Bauler, M. Gilles Baum et Mme Corinne Cahen) | M. Marc Baum

Prise de position du Gouvernement : M. Marc Spautz, Ministre du Travail (intervention de M. Georges Engel) | M. Marc Baum (parole après ministre) | M. le Ministre Marc Spautz

Vote sur l'amendement 1 (rejeté)

Vote sur l'ensemble du projet de loi 8456 et dispense du second vote constitutionnel

4. 8472 – Projet de loi réglementant les heures d'ouverture dans le secteur du commerce et de l'artisanat

Rapport de la Commission de l'Économie, des PME, de l'Énergie, de l'Espace et du Tourisme : Mme Carole Hartmann

Discussion générale : Mme Stéphanie Weydert | Mme Corinne Cahen | M. Georges Engel (interventions de Mme Corinne Cahen et Mme Carole Hartmann) | M. Michel Lemaire | Mme Joëlle Welfring | M. Sven Clement | M. Marc Baum (dépôt de la motion 1) | M. Michel Wolter

Prise de position du Gouvernement : M. Lex Delles, Ministre de l'Économie, des PME, de l'Énergie et du Tourisme | Mme Joëlle Welfring (parole après ministre) | M. le Ministre Lex Delles | M. Georges Engel (parole après ministre) | M. le Ministre Lex Delles | M. Marc Goergen (parole après ministre) | M. le Ministre Lex Delles | M. Yves Cruchten (parole après ministre) (intervention de M. le Ministre Lex Delles) | M. le Ministre Lex Delles

Vote sur l'ensemble du projet de loi 8472 et dispense du second vote constitutionnel

p. 12

p. 12

p. 13

p. 24

Motion 1 : Mme Carole Hartmann | Mme Joëlle Welfring | M. Michel Lemaire | M. Georges Engel | Mme Stéphanie Weydert | M. Sven Clement | M. Marc Baum

Vote sur la motion 1 (rejetée)

5. 8479 – Projet de loi portant modification du Code du travail en vue de l'introduction du principe de demande d'octroi d'indemnité de chômage complet en ligne

p. 36

Rapport de la Commission du Travail : Mme Stéphanie Weydert (intervention de Mme Sam Tanson)

Discussion générale : Mme Stéphanie Weydert (intervention de M. André Bauler) | Mme Carole Hartmann | M. Claude Haagen | M. Michel Lemaire | Mme Djuna Bernard | M. Sven Clement | M. Marc Baum

Prises de position du Gouvernement : M. Marc Spautz, Ministre du Travail | M. Lex Delles, Ministre de l'Économie, des PME, de l'Énergie et du Tourisme

Vote sur l'ensemble du projet de loi 8479 et dispense du second vote constitutionnel

6. 8463 – Projet de loi introduisant une procédure de préfinancement pour les installations solaires photovoltaïques et modifiant : 1^o la loi modifiée du 1^{er} août 2007 relative à l'organisation du marché de l'électricité ;

2^o la loi modifiée du 23 décembre 2016 instituant un régime d'aides pour la promotion de la durabilité, de l'utilisation rationnelle de l'énergie et des énergies renouvelables dans le domaine du logement ;

3^o la loi modifiée du 7 août 2023 relative aux aides individuelles au logement

p. 39

Rapport de la Commission de l'Économie, des PME, de l'Énergie, de l'Espace et du Tourisme : Mme Carole Hartmann

Discussion générale : M. Jeff Boonen | M. Georges Engel | M. Tom Weidig | Mme Joëlle Welfring | M. Sven Clement | M. David Wagner

Prise de position du Gouvernement : M. Lex Delles, Ministre de l'Économie, des PME, de l'Énergie et du Tourisme | M. Sven Clement (parole après ministre) | M. le Ministre Lex Delles

Vote sur l'ensemble du projet de loi 8463 et dispense du second vote constitutionnel

7. Ordre du jour

p. 43

M. Claude Wiseler, Président

Présidence : M. Claude Wiseler, Président ; M. Fernand Etgen, Vice-Président

Au banc du Gouvernement : M. Lex Delles, Mme Elisabeth Margue, M. Marc Spautz, Ministres

(La séance publique est ouverte à 08.01 heures.)

1. Ouverture de la séance publique

M. Claude Wiseler, Président | Ech maachen d'Sëtzung op.

2. 8342 – Projet de loi portant modification :

1^o du Code de commerce ;

2^o de la loi modifiée du 19 décembre 2002 concernant le registre de commerce et des sociétés ainsi que la comptabilité et les comptes annuels des entreprises,

en vue de la transposition de la directive (UE) 2019/1151 du Parlement européen et du Conseil du 20 juin 2019 modifiant la directive (UE) 2017/1132 en ce qui concerne l'utilisation d'outils et de processus numériques en droit des sociétés

Op eisem laangen Ordre du jour vun haut steet als éischte Punkt vun de Moien de Projet de loi 8342, d'Ëmsetzung vun enger EU-Direktiv iwwert d'Benotze vun digitalen Instrumenter a Prozesser am Gesellschaftsrecht. Ech erënneren drun, datt dat e Riedemodell „avec rapport et sans débat“ ass. Also huet d'Rapportrice 5 Minutten an d'Regierung, wa se wëllt, och 5 Minutten. Madamm Weydert, Dir hutt d'Wuert.

Rapport de la Commission de la Justice

Mme Stéphanie Weydert (CSV), rapportrice | Här President, léif Kolleeginnen a Kolleegen, dat hei ass wierklech eng Amuse-bouche fir dat, wat, mengen ech, haut nach op eis duerkënnt.

Mam Gesetzesprojet 8342 ännere mer de Code de commerce an och d'ofgeännert Gesetz vum 19. Dezember 2002 iwwert d'Handelsgesellschaften an iwwert d'Konten vu Gesellschaften, fir d'Transposition vun der Direktiv 2019/1151 iwwert d'Notzung vun digitale Mëttelen an digitale Prozesser am Gesellschaftsrecht an d'lëtzebuergescht Recht ze finaliséieren.

Déi éischt Etapp iwwert d'Grënnung vu Gesellschaften an d'Dematerialisatioun vu verschiddene Formalitéiten, déi gouf schonn 2023 ëmgëtt. Mat deem Gesetz komplettéiere mir den nationale Kader iwwert de Verbuet, fir eng Gesellschaft ze leeden, déi sougenannt „interdiction de gérer“, souwéi den Informationsaustausch tëschent den Handelsregëstere, deen d'Direktiv am Artikel 13decies virgesäit.

Dësse Projet gesäit sech an enger méi breeder europäescher Dynamik. Op där enger Säit geet et drëms, d'Grënnung an d'Gestioun vu Gesellschaften iwwer komplett digital Prozeduren ze vereinfachen an ze beschleunegen. Op där anerer Säit ass et awer néideg, Frauden an Abusen ze verhënneren. Et geet drëms ze verhënneren, datt eng Persoun, déi an engem EU-Land net méi dierf eng Gesellschaft féieren, sech op eemol an engem anere Land néierléisst, fir dann do déi selwecht Funktioun an enger Gesellschaft ze iwwerhuelen.

D'Direktiv verlaangt dofir, datt d'Memberstaaten esou Interdictionen de gérer och grenziwwerschreidend

berücksichtigen an den Informationsaustausch iwert de BRIS-System organisieren. A genee dat geschitt mat dësem Gesetz. D'Informatiounen, déi am Handelsregister iwwer eng Interdiction de gérer age-droe ginn, mussen et erlaben, d'Persoun, op déi d'Me-sür sech bezieht, zweifellos ze identifizieren, egal ob et sech ëm eng natierlech oder eng juristesche Persoun handelt. D'Dauer vum Verbuet, inklusiv den Ufanks- an Enddatum, muss och vermerkt ginn.

Des Weidere kritt de Gestionnaire vum RCS d'Kom-petenz, fir eng Aschreiwung vu Funktiounen beim RCS ze refusieren, soulaang eng Interdiction de gérer besteet. De Gestionnaire adresséiert an deem Fall an engem kuerzen Delai eng Demande un d'Entitéit, wou de Gerant aktiv ass, an där se opgefuerdert gëtt, déi néideg Schrëtt ze ënnerhuelen, fir datt déi betraffe Persoun aus hirer Funktioun ausscheet.

Am Fall, wou d'Situatioun net regulariséiert gëtt, leet de Gestionnaire den Dossier un de Procureur d'État weider. Gläichzäiteg gëtt eng Mentioon am Dossier vun der Entitéit ageginn, fir datt och Drëttpersounen iwwer de Verbuet vun der Persoun, déi d'Interdiction de gérer huet, informéiert sinn. An dës Mentioon bleift bestoen, bis datt d'Mandat oder d'Funktioun vun der betraffener Persoun néiergeluecht gouf oder ausleeft.

D'Donnéeeën müssen esou strukturéiert sinn, dass se am Kader vum BRIS-System kënnen vermittelt a genotzt ginn. Dësen Austausch um EU-Niveau betrëfft nëmmen d'Sociétés anonymes, d'Sociétés en commandite par actions souwéi d'Sociétés à responsabilité limitée, well dës dräi Gesellschaftsformen an der Annex II vun der EU-Direktiv 2017/1132 opgeléicht sinn.

Des Weidere kréie souwuel de Curateur vun enger Faillite wéi och de Procureur d'État d'Méiglechkeet, de Gestionnaire vum RCS ze froen, iwwer de BRIS-System nozupruefen, ob et an engem aneren EU-Land eng Interdiction de gérer géint eng Persoun gëtt. Wann néideg, da kann d'Gericht och déi Informatiounen, déi et do kritt huet, a seng Decisioun afléisse loosssen.

Ech erlabe mer, nach e puer Wuert zur Prozedur ze soen. De Projet gouf de 24. November 2023 vun der Justizministerin Elisabeth Margue an der Chamber deposéiert an ass den 30. November un d'Justizkommission verwisen ginn. An der Reunioun vum 11. Januar 2024 hu mer de Projet analyséiert an ech gouf als Rap-portrice genannt.

Elo kommen ech nach kuerz zu den Avisen. D'Chambre des Métiers, déi huet den 22. Dezember 2023 hiren Avis positif ofginn a begréisst, datt d'Direktiv no der Maximim „Toute la directive et rien que la directive“ ëmgesetzt gëtt, trotz dem Retard vun der Transposition.

D'Chambre de Commerce huet an hirem Avis vum 28. Mäerz 2024 suggeréiert, datt et am Sënn vun der Lisi-bilitéit vum Text sënnvoll wär, déi dräi Gesellschafts-formen opzezielen, déi vun der Direktiv, vun der Annex II, viséiert sinn. Bon, dozou kann ech soen, datt am Ge-setz vun 2002 an och an anere Gesetzter ëmmer op déi berüümt Annex Referenz gemaach gëtt an, vollä, dass mer hei och dee Renvoi da bäihalen.

De Staatsrot huet am Ganzen dräimol Stellung geholl, op déi d'Kommissionen jee weils mat Amendementer reagéiert huet. Déi héich Kierperschaft huet an engem éischten Avis d'Ausrichtung vum Projet begréisst, allerdéngs eng éischt Opposition formelle formuléiert, well initial de Gestionnaire vum RCS sollt d'Compara-bilitéit vun den auslänneschen Interdictions de gérer bewäerten. Dës Aufgab, déi schéisst awer e bëssen iwwer d'Zil eraus vum Gestionnaire vum RCS, soudass mer do hu missen déi néideg Amendementer maa-chen.

A sengem Avis complémentaire vum 18. November 2025 koumen zwou weider Oppositionen formelles, engersäits wat d'Iddi ugeet, d'Suspensioun vun engem betraffenen Dirigeant am Register anzuschreien, well dës Begrëff am Text net definéiert war, wat zu enger juristescher Unsécherheet féiert. Wann et nëm-men drëm goe soll, en Drëttten ze informéieren, da géif eng einfach Mentioon am RCS am Dossier vun der En-titéit duergeen.

Zweetens stellt de Staatsrot sech géint eng Révocation d'office vum Gerant duerch de Gestionnaire vum RCS am Fall vun enger Inaktioun vun der Entitéit. Dat hu mer och nogebessert. An du konntest d'Oppositionen formelles duerch d'Amendementer vum 27. November ganz opgehewe ginn.

Den 11. Dezember gouf mäi schrëftleche Rapport an der Kommission ugehol. A fir weider Detailler ver-weisen ech op mäi schrëftleche Rapport a soe Merci fir d'Nolauschteren.

Plusieurs voix | Très bien!

M. Claude Wiseler, Président | Ech soen der Rap-portrice villmools Merci fir hire schrëftlechen a fir hire mündleche Rapport a froen d'Regierung, ob se dozou wëllt Stellung huelen.

(Négation)

Dat schéngt net de Fall ze sinn.

Da géinge mer direkt zum Vott iwwergeen. Well mer fréi moies sinn an et deen éischte Vott ass, géing ech Iech nach eng Käier froen ze kucken, ob Der alleguer agelaght sidd. Wann dat de Fall ass, da géing ech de Vott zu dësem Projet de loi opmaachen.

(Brouhaha)

Ech waarden nach ee Moment. Et ass eng grouss Ustrengung moies fréi.

Vote sur l'ensemble du projet de loi 8342 et dispense du second vote constitutionnel

Ech maachen de Vott op. De Quorum ass erreecht. Vote par procuration. De Vott ass ofgeschloss.

D'Resultat vum Vott ass: 59 Jo-Stëmme, keng Nee-Stëmm, keng Abstentiuon. Dëse Projet de loi ass also mat 59 Jo-Stëmme eestëmmege ugehol ginn.

Ont voté oui : Mmes Diane Adehm, Nancy Arendt, MM. Maurice Bauer, Jeff Boonen, Alex Donnersbach (par M. Laurent Mosar), Emile Eicher, Félix Eischen, Paul Galles, Mme Françoise Kemp, MM. Marc Lies, Ricardo Marques, Mmes Octavie Modert, Nathalie Morgenthaler, MM. Laurent Mosar, Jean-Paul Schaaf, Charles Weiler, Mme Stéphanie Weydert, MM. Claude Wiseler, Michel Wolter (par M. Maurice Bauer) et Laurent Zeimet ;

Mme Barbara Agostino (par M. André Bauler), MM. Guy Arendt, André Bauler, Gilles Baum, Mmes Simone Beissel, Corinne Cahen, MM. Luc Emering, Fernand Etgen, Patrick Goldschmidt (par M. Gérard Schockmel), Gusti Graas (par Mme Corinne Cahen), Mmes Carole Hartmann, Mandy Minella, Lydie Polfer (par M. Fernand Etgen) et M. Gérard Schockmel ;

M. Dan Biancalana, Mmes Taina Bofferding, Liz Braz, Francine Cloesener, M. Yves Cruchten, Mme Claire Delcourt, MM. Mars Di Bartolomeo, Georges Engel, Franz Fayot (par M. Ben Polidori), Claude Haagen (par Mme Claire Delcourt), Mme Paulette Lenert et M. Ben Polidori ;

MM. Dan Hardy, Fred Keup, Michel Lemaire (par Mme Alexandra Schoos), Mme Alexandra Schoos et M. Tom Weidig (par M. Fred Keup) ;

Mme Djuna Bernard, M. Meris Sehovic, Mmes Sam Tanson (par Mme Joëlle Welfring) et Joëlle Welfring ;

MM. Sven Clement et Marc Goergen ;

MM. Marc Baum et David Wagner.

Freet d'Chamber d'Dispens vum zweete Vote constitu-tionnel?

(Assentiment)

Dann ass dat esou decidéiert.

3. 8456 – Projet de loi portant modification de l'article L. 231-4 du Code du travail

An da géinge mer och direkt zum zweete Punkt op eise Ordre du jour kommen, an zwar dem Projet de loi 8456 iwwer d'Sonndesaarbecht. D'Riedezäit ass hei nom Modell 2 festgeluecht an deemno follgender-moossen opgedeelt: De Rapporteur huet 15 Minutten, d'CSV 31, d'DP 24, d'LSAP 22, d'ADR 15, déi gréng, d'Pi-raten an déi Lénk 10 an d'Regierung 15 Minutten. Et hu sech schonn ageschriwwen: den Här Charel Weiler, d'Madamm Corinne Cahen, den Här Georges Engel, den Här Michel Lemaire, d'Madamm Djuna Bernard, den Här Sven Clement an den Här Marc Baum. An d'Wuert huet elo de Rapporteur vum Projet de loi, den honorabelen Här Charel Weiler. Här Weiler, Dir hutt d'Wuert.

Rapport de la Commission du Travail

M. Charles Weiler (CSV), rapporteur | Här President, e schéine gudde Moien. Léif alleguer, de Projet de loi Nummer 8456, deen ech haut als Rapporteur virstellen däerf, betrëfft d'Bestëmmungen iwwer d'Sonndesaarbecht am Code du travail, a besonnesch den Arti-kel L. 231-4, deen aktuell d'Aarbecht um Sonndeg am Einzelhandel bis zu véier Stonnen reegelt.

An der initialer Versioun vum Projet sollt déi maximal Dauer vu véier op aacht Stonnen eropgesat ginn an op all déi Geschäfte ausgedeeent ginn, déi am Gesetz vum 19. Juni 1995 definéiert sinn.

No Gespräicher mat de Sozialpartner huet d'Regie-rung via Amendements gouvernementaux e Kom-promëss virgeluecht. De Kär vun dësem Kompromëss besteet doran, d'Erweiderung op aacht Stonnen op Betriber ze limitéieren, déi maximal 30 Salariée be-schäftegen. Fir Betriber, déi iwwer deem Seuil leien, bleift et bei maximal véier Stonnen, ausser et gëtt e Kollektivvertrag oder en Accord interprofessionnel am Betrib.

Donieft gëtt fir méi grouss Betriber, déi keen esou en Accord hunn, d'Méiglechkeet bäibehalen, fir bis zu aacht Stonnen op maximal sechs Sonndeger pro Joer ze schaffen, wann dat üblech Eröffnungsdeeg am Sec-teur sinn, wéi beispillsweis de Mantelssondeg oder de Miwwelfestival an esou weider.

Den Effectif soll dobäi op Basis vum Personalbestand den 31. Dezember vum Joer virdru berechent ginn.

D'Akraafttriede vum Gesetz ass op den 1. Januar 2026 festgesat.

Op prozeduralem Plang ass de Projet den 12. Novem-ber 2024 vum deemolegen Aarbechtsminister an der Chamber deposéiert ginn an de 14. November 2024 un d'Aarbechtskommission verwisen ginn. D'Chambre des Salariés huet de Projet de 14. November 2024 aviséiert, d'Chambre de Commerce den 11. Dezem-ber 2024 an d'Chambre des Métiers den 9. Januar 2025. Den Avis vum Staatsrot ass vum 3. Juni 2025. De Projet ass an enger gemeinsamer Sitzung vun der Aarbechts- a Wirtschaftskommission de 5. Februar 2025 zesumme mam Projet Nummer 8472 iwwer d'Eröffnungszeiten examinéiert ginn. De 16. Juli 2025 gouf ech als Rapporteur designéiert an den 1. Oktober goufen d'Amendements gouvernementaux présen-téiert. Den 10. Dezember 2025 hu béid Kommissionen den Avis complémentaire vum Staatsrot analyséiert an d'Aarbechtskommission huet de Rapport ugehol.